

<b>Zeitschrift:</b>	Igl Ischi : organ della Romania (Societat de Students Romontschs)
<b>Herausgeber:</b>	Romania (Societat de Students Romontschs)
<b>Band:</b>	24 (1934)
<b>Rubrik:</b>	Rapport della radunanza populara d. Romania a Trun, ils 27 e 28 d'uost 1933

### Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 30.07.2025

**ETH-Bibliothek Zürich, E-Periodica, <https://www.e-periodica.ch>**

President: Gieri Arpagaus, stud. teol., Peiden  
 Vice-pres.: Luis Derungs, stud. teol., Lags,  
 Actuar: Ignazi Beer, stud. ped., Tavanasa,  
 Com. hon.: Sur Gion Cadieli, plevon, Trun,  
               sgr. F. Tuor, fabricant, Trun,  
 Revisurs d. quen: sgr. Dr. Aug. Cahannes, Cuera,  
               sgr. Victor Sialm, Segnas-Mustér.

Per aunc saver partir cul tren d' ensi, vegn la radunanza officiala serrada a bun' ura cun in cauld «A bien seveser a Trun», nua che la Romania vul seradunar 1933 per celebrar il centenari della mort de P. Placi a Spescha.

Igl actuar: *Ignazi Beer*, stud. ped.

## Rapport della radunanza populara d. Romania a Trun, ils 27 e 28 d' uost 1933

Fiesta della Romania a Trun unida cun il 100 avel anniversari della mort de pader Placi a Spescha.

Sco nos babuns ein era ils students serimnai a Trun sper igl ischi, mo quella ga per semetter sin via encunter Pustget. Ordavon marscha la musica de Trun. Ei suonda il comite della Romania cun la bandiera sgolatschonta e varga 50 students. Era il pievel pren viva part dil til.

Arrivai sin la plazza festiva avon la casa paterna de P. Placi, ascenda il president della Romania, Gieri Arpagaus, stud. teol. la tribuna e tegn siu plaid de beneventaziun. Il pli grond pla-

scher ha el de veser la gronda gie mai sudida participaziun dil pievel. President communal A. Schwarz descriva la veta dil grond convischin de Trun, P. Placi a Spescha. P. Maurus Carnot discuora en sia enconuschenta cordialitat de pader Placi e dil romontsch. Silsuenter lai el passar en ina scena commemorativa P. Placi sur la tribuna en discuors cun las flurs alpinas, cul mistral, culs scolars claustrals e cul pievel. Gronda impressiun fa ei sin l'entira tschentada, cura ch' il zennet d'Acladira porta siu davos salid, partend pader Placi. Bials pertratgs vegnan exprimi en plaids de sgr. Dr. G. Vieli, sco cau della regenza grischna, de mistral Dr. G. Condrau, de vegl cuss. guv. Dr. Gieri Willi, inspectur A. Spescha, major P. A. Vincenz, Dr. A. Schorta, sgr. Loringett, sgr. Dolf e Dr. Gian Caduff.

Suenter tscheina tegn sgr. ing. Derichsweiler in referat sur de P. Placi sco alpinist. Silsuenter serimnan ins tier la part hilarica, la quala aulza ils cors e dat veta agl entir auditori.

Glendisdis allas 8 ei requiem per ils defuncts. Sur G. Cadieli menzionescha en siu bi riug 3 che rauasan sper la tuor de s. Martin che han gronds merets per il romontsch: P. Placi a Spescha, Dr. Decurtins e Dr. Nay.

Allas 9 ei radunonza generala el hotel Tödi. (Il protocol dat sclariment arisguard las tractandas deliberadas.) La radunonza giavischa ch' ei vegni tschentau si in regulativ per las tablas com-

memorativas che dueian dacheudenvi vegnir deponidas el curtgin d' honur a Trun sper igl ischi. Cun quei intent vegn tratg ora ina commissiun, pres.: Prof. Dr. Tuor. Liug festiv per 1934 vegn fixau Razen. Ei duei dar ina fiasta communabla cun las otras uniuns romontschas Renania, Ladinia e Sesana. La suprastonza per 1933/34 vegn constituida sco suonda:

President: Ignazi Beer, stud. ped., Tavanasa,  
 Vice-pres.: Placi Huonder, stud. teol., Sedrun,  
 Actuar: Aluis Schuoler, stud. fil., Sumvitg,  
 Passivs: Prof. Dr. Ramun Vieli, Cuera,  
               Sgr. Dr. med. Gion Jeger, Cuera.

Confirmai vegnan ils revisurs de quen:

Dr. Aug. Cahannes, Cuera,

Victor Salm, Segnas-Mustér

ed il cassier: Ludv. Huonder, scolast, Mustér.

Igl actuar: *Aluis Schuoler*, stud. fil.

## Rapport della radunanza populara d. Romania a Razen, ils 2 e 3 de settember 1934

La fiasta della Romania dils 1934 astga vegnir scretta cun scartira grossa en la cronica della Romania. El liug festiv de Razen han quei di las 4 uniuns romontschas de students Romania, Ladinia, Renana e Sesana purschiu in l'auter il maun per demussar, ch' ellas seigien malgrad las differenzas confessionalas e dialectalas, soras, feglias d' ina mumma, della Romontscha. Schegie